



PARLIAMENT
OF THE REPUBLIC OF SOUTH AFRICA



GREAT PYRAMIDS OF EGYPT

25 MAY
AFRICA
"AFRICAN RENEWAL, ADVANCEMENT
AND DEVELOPMENT"
DAY

TIMBUKTU MANUSCRIPTS II -
MATHEMATICS, ASTRONOMY

GOLDEN RHINO FROM THE
KINGDOM OF MAPUNGBWE
(SOUTH AFRICA)

TIMBUKTU MANUSCRIPTS III -
ASTRONOMY TABLES

AUSTRALAPITHECUS SEDIBA
(SOUTH AFRICA)



GAMBIA

GHANA

GUINEA

GUINEA-BISSAU

KENYA

LESOTHO

LIBERIA

LIBYA

MADAGASCAR

UKUGUBHA USUKU LWE-AFRIKA

- Usuku Lwe-Africa lugujwa minyaka yonke zingama-25 kuMeyi
- INhlangano Yobumbano Lwe-Afrika (OAU) yasungulwa zingama-25 kuMeyi 1963 e-Addis Ababa, e-Ethiopia
- Ukukhumbula lokhu, uSuku Lwe-Afrika luzogujwa okwama-48 kulo nyaka
- I-OAU yazala i-African Union (AU) eyasungulwa eThekwini, e-South Africa ziyi-9 Julayi 2002
- Kunamazwe angama-54 e-Afrika kanti angama-53 awo angamalungu e-AU. Izwe lase-Morocco alilona ilungu le-AU.
- I-AU isihlanganise izwekazi le-Afrika ukubhekana nezinselelo ezifana nengxabano yezimpi ngezikhali, ukuguquka kwesimo sezulu kanye nobubha.

UKUBALULEKA KOSUKU LWE-AFRIKA

- Usuku Lwe-Afrika luwukubungaza i-Afrika, abantu bayo kanye nobumbano
- Luwukuvuma inqubekelaphambili esiyenziwe abantu base-Afrika nokubheka izinselelo ezifanayo esibhekene nazo emhlabeni jikelele

IQHAZA LE-AFRICAN UNION (AU) KWIZWEKAZI

- I-AU iyisikhungo esiqavile ekuthuthukiseni ukubambisana ezwenikazi kwezenhlalo nomnotho, kuhloswe ukhulungana nokubambisana okukhulu phakathi kwamazwe kanye nabantu base-Afrika
- I-AU isekelwe phezu kombono ofanayo wezwekazi elinokubambisana futhi elinamandla
- Isekelwe futhi esidingweni sokwakha ukubambisana phakathi kohulumeni nayo yonke imikhakha yomphakathi, ikakhulukazi abesimame, intsha kanye nalabo abazimele
- Njengenhlango yezwekazi, igxile kuxolo, ukuphepha nozinzo, futhi ihamba phambili ekuzameni ukuvuselela izwekazi
- I-AU ihlose ukuvikela amalungelo entandoyeningi, awabantu kanye neminotho eqhubekayo e-Afrika, ikakhulukazi ngokuqeda ingxabano nokwakha ezokudayiselana ezisebenzayo.

UMBONO

Umbono we-African Union uthi: “I-Afrika ebambisene, ethuthukayo futhi enokuthula, elawulwa izakhamizi zayo futhi emele iqembu elikhethekile ezindabeni zomhlaba wonke”.

IZENZO ZOKUBAMBISANA ZE-AFRICAN UNION

Ama-Afrika aseqhamuke nezinto azobambisana kuzo ngokusebenzisa i- AU ukuze:

- kuvikelwe indawo
- kuliwe nobuphekulazikhuni
- kuliwe nobhubhane lwegciwane lesandulela ngculazi kanye nesifo sengculazi, umalaleveva nofuba
- kusetshenzwe ezintweni zobuntu njengokuhlupheka kwababhacile nabasuswe izimo ezithile ezindaweni zabo
- kugqugquzelwe uxolo, ukuphepha nokuzinza, nokwenza kube khona ukubambisana nentuthuko e-Afrika
- kuqiniseke ukubambana kulo lonke izwekazi nokwakha iphupho elifanayo lenqubekelaphambili yabantu base-Afrika.

NINGIZIMU AFRIKA KANYE NOKUGUJWA KOSUKU LWE-AFRIKA

- Ukubungazwa koSuku lwe-Afrika kuveza iqhaza nokuzibandakanya kwe-South Africa ezindabeni zezwekazi
- USuku lwe-Afrika luwusuku lokubungaza amagugu ase-Afrika nokukhombisa ngomlando, amasiko nezobuciko zezwekazi i-Afrika
- Lugxilisa umuzwa wokwenza okuthile kubo bonke, ikakhulukazi intsha, ukuthuthukisa izinga lempilo yabantu bonke ezindaweni ezibalulekile ezihlanganisa lezi:
- Ezempilo, ukuphepha nezokuphepha
- Ukwakhiwa kabusha kwe-Afrika
- Ukubambisana kwezenhlalo, amasiko nezemfundo
- Ekugubheni uSuku lwe-Afrika, sithola umzuzu wokuvuselela ukuzinikela kwethu kithina, ezwenikazi lonke kanye nakumagugu ethu afanayo nalapho esiphokophele ukuya khona.

IQHAZA LEPHALAMENDE LERIPHABHULIKHI YASENINGIZIMU AFRIKA

- IPhalamende leRiphabhulikhi yaseNingizimu Afrika libamba iqhaza ezinhlanguweni ezahlukahlukene zase-Afrika okubalwa kuzo i-Pan African Parliament (PAP) kanye ne-Southern African Developing Community Parliamentary Forum (SADC PF)
- Ngokuhambisana nomgomo wezangaphandle wezwe laseNingizimu Afrika kunakwa ngokukhethekile i-Afrika yonke ohlakeni lwenqubomgomo ebudlelaneni namazwe omhlaba. Lokhu kuhlanguka ukusebenza ngokubambisana nezishayamthetho zamazwe lapho iNingizimu Afrika ebibambe khona iqhaza ekwakheni uxolo
- Kulo nyaka iPhalamende laseNingizimu Afrika lizoba ne-African Dialogue zingama-23 Meyi ezolandelwa inkulumompikiswano zingama-25 ku-Meyi ngendikimba ethi “Ukuvuselelwa kwe-Afrika, inqubekelaphambili kanye nentuthuko” ukugubha uSuku lwe-Afrika.

I-AFRIKA NEZEHLO 2011

I-World Economic Forum on Africa 2011: e-Kapa, eNingizimu Afrika, 4-6 Meyi 2011
Indikimba: “Ukusuka eMbonweni ukuya eKwenzeni, Ikhasi Eliandelayo le-Afrika”.

I-World Economic Forum iyinhlangano ezimele ezibophezele ekuthuthukiseni ubunjalo bomhlaba ngokubheka ezamabhizinisi, ezombusazwe, ezemfundo emanyuvesi nabanye abaholi bomphakathi ukuhlela kabusha izinhloso zomhlaba, izingxenye zamazwekazi kanye nezimboni.

UMBUKISO WEZEMPILO ZASE-AFRIKA NOMHLANGONOKAZI 9-11 MEYI, 2011

Umbukiso weZempilo Zase-Afrika noMhlanganokazi kuyoqala ngoMeyi 2011 e-Johannesburg Expo Centre, e-Nasrec, eNingizimu Afrika. EZempilo Zase-Afrika zizodonsa izinsuku ezintathu kukhulunywe ngezihloko eziningi ezithinta ezempilo e-Afrika, futhi zizoheha izinkulungwane zabantu abasebenza ngezempilo abasuka eduze nasemhlabeni wonke jikelele.

UMCIMBI WOSUKU LWE-AFRIKA 27 – 29 MEYI

Ukugubha uSuku lwe-Afrika kusukela kuMeyi 27 - 29, eGoli kuzoba nomcimbi owaziwa ngokuthi Sanaa Afrika, The Spirit of Celebration, ozofaka umgqumo wenhliziyo ye-Afrika kanye nomongo onomdlandla ngokuba khona kwezobuciko eziphapheme, ezokunandisa, umculo nokunye kwase-Afrika.

EZINYE IZINSUKU EZIBALULEKILE E-AFRIKA

16 Juni uSuku lweNgane yase-Afrika

9 Julayi uSuku lwe-African Union

25 Septhemba uSuku Lwabesimame base-Afrika



PARLIAMENT
OF THE REPUBLIC OF SOUTH AFRICA

Produced by the
Public Education Office
Parliamentary Communication Services

Inspired by People

www.parliament.gov.za
P.O. Box 15, Cape Town 8000
Tel: (021) 403 2911
Fax: (021) 403 3303